

丁戌之閒行卷

丁戊之間行卷

漢壽易順鼎實甫

古今體詩

抵都門作

一角觚棱話早朝。西山晴雪映簾櫳。春歸玉殿鶯初覺。人到金臺馬亦驕。紫陌驚心塵袞袞。碧湘回首夢迢迢。短衣羽箭生涯在。更爲將軍賦射雕。

游天甯寺四首

春雲不入城。覆此城外寺。濛濛溼陰重。啼鳥破空翠。笠影畫江南。滿身煙水氣。紅亭斜一角。草淺聞嘶騎。雨後嫩寒生。入天皆綠意。

寺門鏤幽竹。雨過煙光凝。樓高已有客。院靜如無僧。鐘響併寒碧。裊入花千層。夕陽欲到地。半架遮紅藤。時聞定中

語細細唸蜂鷹

佛身樹丈六。仙掌花尺五。草木幾滄桑。千春亦同腐。猶傳
拓跋宮。更說開皇宇。浮圖獨無恙。閱盡煙雲古。夜夜話隨
唐。天風一鈴語。

紅塵送白日。西去無時休。長安行樂地。勞者翻百憂。鶯花
浩如海。溼夢常句留。微漚照聚散。絮果風前收。聊將借禪
榻。懺此千春愁。

病起偶作

裘馬紛紛厭五陵。紅闌獨自帶愁憑。養花天氣如中酒。隔
水人家又上鐙。北地燕支春熨貼。東風簫管夢蒼鶯。絲
禪榻。皈依久。況值維摩示疾曾。

下第簡王夢湘

拔劍四君歌莫哀。青袍淪落幾仙才。虎頭萬里思投筆。馬
骨千金望築臺。但有文章憎命達。應無富貴逼人來。輭紅
如夢。東風惡。醉倒壚頭眼倦開。

送王子能

以勲夢湘

以懃

兄弟返山左

落花風不住。嘶騎又天涯。破篴安吟草。殘鐙選夢華。春餘
鵲有泪。客久燕無家。後夜愁煙雨。明湖萬柳斜。

與熊三

瑞昌

飲酒樓醉歌

燕山四月南風和。日長九陌敲鈴羸。拚典春衣酒債少。厭
憑午枕車聲多。人海孤蹤偶畱滯。風花萬劫同銷磨。閉門
坐愁意無侶。病渴頗類文園疴。客路紅塵送白日。歸心黑
月遮黃河。殿前獻賦兩被放。磨蝎詎未懲東坡。萬古才人
失職泪。涓滴併作桑乾波。馬骨如山一碧朽。金臺腸石空

嵯峨射虎山中。隨李廣。屠狗市上。尋荆軻。斜陽正紅金叵
羅。高樓遠瞰燕支坡。元明不須苦憑弔。趙李聊復相經過。
投壺能邀玉女笑。倚酒那畏金吾訶。若爲楚舞吾楚歌。尊
邊意氣朱顏酡。萬事無成且華髮。五湖有約空漁簑。天末
長謠託北渚。世間短夢催南柯。曜靈甫匿升纖阿。對酒不
飲當如何。

將去都賦感四首

破帽殘衫不自聊。窮途僕馬各魂銷。夢中去路傳江筆。花
底流年謔洞簫。平揖公卿非有恃。廣徵歌舞爲無憊。如何
袖却淩雲手。閒看他人賦早朝。

吹笛高樓酒易涼。春來飄泊柳絲鄉。長安似海無歸路。名
士如花有散場。新樣衣裳雲慘綠。舊家門巷月昏黃。空山

此去秦蘿好。貧女生涯倦倚妝。

旗亭話別對殘鶯。翻悔年時。載酒行墮地。風花紅有劫。極
天煙草碧無情。才歸幻境如雲退。愁向懽場似水生。望斷
燕南行馬路。一程程遠是離程。

春樹華年踏踏歌。鬢絲風裏盡銷磨。燕尋鶯覩長如此。鳳
泊鸞飄奈爾何。酒夢醒時寒特甚。禪心定後熱無多。問他
連夜花間月。忍送行人到潞河。

津門曲

闌干畫出銷魂色。明波不動樓陰匝。鴛瓦千家月似鉤。半
車幾隊人皆壁。何須落魄怨天涯。五月津門風景佳。楊柳
青邊楊柳青地名多畫舫。櫻桃紅處似斜街。竹柵荷廳碧雲裏。
涼風一道笙歌起。絲管宵宵倦剪鐙。簾櫳面面貪臨水。魚

鹽十里帶沙汀。銜尾帆從樹杪停。人氣欲蒸空霧溼，市聲
全捲水風腥。傳烽曩日驚歌舞，金碧亭臺紛易三。化屨偏
多海上樓。射蛟詎少江邊鷁。連天雪浪擁千檣。滿眼秋波
望轉傷。陣血祇今無處碧。海雲依舊向人黃。城陰曉露寒
侵袂。酒榭呼箏聊一醉。蝦菜秋風又潞河。鶯花春夢仍燕
市。二分煙月小揚州。扇影衫痕寫俊遊。却向天津橋畔立。
夷花細雨不勝愁。

由津門附輪舶渡海過黑水洋得千三百字紀之
海天一鏡懸鮫宮。雲霞摺疊倒景重。方壺仙人正招手。殘
照碧入三神峰。層樓複垣瞬失所。惟見白鳥飛長空。元氣
流殘太古雪。愁心一髮黏圓穹。幾度揚塵閱浩劫。潮來沙
去真怱怱。直疑無路到人世。峭波如壁遮天東。未知幾千

萬億里。盡處乃有靈槎。通得無已在星宿海。此景斷斷非
寰中人。天古今一萍葉。萬事變滅煙濤同。到此都存出世
想。冷然欲躡升天蹤。飄飄此身墮空碧。雲水四裹鬚眉濃。
微軀愁將化煙去。堅立不敢馳雙瞳。罡風吹衣作奇冷。無
夏但有春秋冬。大沽煙臺似箭瞥。聽聽聽水旋風颭。重洋
目窮水倒立。墨雲合抱垂幽幪。鯤壑何人鑄朽鐵。寸藍天
影全銷鎔。太陰積成色純黑。失足便與龍鼉逢。然犀亘古
照不到。有萬白帝千青童。當時恨無尺寸土。涇魂奇重難
飛翀。須臾一喧破眾寂。脚底半踏驚森飈。龍堂鱗屋瓦盡
裂。百族聚泣羣靈訇。蜃蚪蛭蠖蝸蚌蛤。鱗鮪鯢鱣鯨鯢鯢。
積愁積怒迸一洩。九鼎萬語爭譁訕。戰罷神鼇夜捲甲。天
絃破碎無人縫。霄根動搖走壞碧。萬象欲遁歸鴻蒙。眾生

呼號救不得。未死先化爲沙蟲。帝聞坐恐飛浪溼。昏墊更軫虞廷衷。響重方驚地軸撼。命輕早付天梯衝。初疑咸池張廣樂。鈞天一曲來有熊。鱗潛羽翔宵冢漠。寥籟所斂元音充。堂階巢笙並鼗鼓。序列大呂兼鍾鏞。絲聲繁囂竹聲濫。小者簾業大者樅。簡鳳來儀僊舜陞。鼓鼙應盛鳴周雖。或洪或纖畢鞞鞞。乍遠乍近相錚鏦。又疑兩軍殊死戰。金戈鐵馬馳橫縱。呼聲動天一當百。性命甘向矛頭舂。腥紅滿刀纏白氣。肉走爲雨飛爲風。千軍怒號地流血。萬鬼痛哭天改容。層巒疊險出不意。睡苦無魄談無悰。少時風定遠宇霽。高蟾挂碧搖仙蓬。若有人兮坐天末。珎璫四扇鐙微紅。蜃樓初開月澆漾。鸞帆欲度煙朦朧。水晶空簾織絲霧。驪龍穩睡珠光融。抱琴將訪水仙去。海山風露愁孤蓬。

角臣鬢牧羝。馬市前朝例。鯨宮此日波。史書懲僭夏。將
略想防倭。已不勞楊僕。何曾屈趙佗。圖強須遠慮。積弱漸
深疴。浪擁中流楫。沙沈下瀨戈。焚艘歸想像。卧榻聽鼙訛。
往事堪悲涕。羣公但姸嚶。欺誣聊復爾。笑罵且由他。上客
成焦額。中原付薦瘞。英雄甘蹈海。功罪究烹阿。鵠首原非
賜。鯨牙爾尚磨。窟休營狡兔。街豈見荒駝。縱舞荆天戚。終
殲望海堦。微生觀浩蕩。倦旅任蹉跎。偶醉江南酒。因褰日
下珂。杞憂拚獨語。楚調托孤哦。劍匣驚封蘇。書函感結荷。
鬢毛都濩落。髀肉重摩挲。會看清宸溢。行當老軸邁。商量
今酒盞。料理故漁蓑。蛟蜃迷前路。鸞皇失寸窠。憑收江海
泪。一笑對黎渦。

江行雜詩二十首

白○日○在○我○西○大○江○在○我○東○相○持○不○肯○決○萬○古○何○由○終○來○檣○
與○去○鵬○覲○面○靡○一○同○少○年○或○再○至○照○水○鷺○成○翁○闔○人○幾○千○
億○鳥○過○慳○其○蹤○藐○軀○蝨○元○化○速○朽○如○沙○蟲○浮○生○本○無○着○沉○
此○江○海○空○風○濤○日○掀○盪○何○以○安○微○躬○山○川○豈○終○極○客○子○良○
恩○恩○願○傾○八○瀛○水○澆○我○方○寸○胸○

絲○雨○忽○滿○江○真○州○暮○寒○見○城○暝○蜃○氣○惡○汀○涼○鷗○心○善○埽○鶯○
吳○鹽○堆○千○艘○此○魚○貫○荒○波○若○積○雪○白○氣○浩○難○辨○估○客○無○歲○
年○生○涯○一○蓬○斷○悠○悠○長○風○沙○忽○忽○遠○鄉○縣○不○覩○金○玉○尊○安○
識○關○河○賤○吾○生○苦○衰○歸○此○輩○轉○堪○羨○敲○火○舵○樓○明○鄰○船○又○
炊○飯○

燁○光○不○可○罷○遠○樹○迷○瓜○洲○白○波○揚○子○江○照○見○孤○帆○愁○遙○瞻○
北○固○塢○欲○問○南○朝○樓○殘○鴉○忽○數○點○客○意○先○爲○秋○古○來○興○亡○

事飄若浮雲。浮英雄一寸泪。不共寒潮收。裏哉祖士雅。擊楫當中流。大江日夜聲。壯士悲神州。時清息戰伐。久罷江關憂。天塹險足據。人事防宜周。沽酒話夕陽。蜩蟬兵今白頭。海天積空綠。寸累不到地。靈魄謀自存。蛟蜃方側睨。何年東入吳。遊力一螺位。江南煙水中。忽此金銀氣。螭宮環繞之。其下百寶備。瓊光日湧現。丹碧世所賚。瀛嶠難驟覩。茲山信奇麗。譬如讀華嚴。始識真富貴。破衲而殘蔬。復見亦無味。飛樓何縹緲。目與孤雲至。斜陽參差紅。尺檻影天際。仰攀虹梁腰。俯瞰鱗屋背。天風吹秋寒。壞翠偶一隊。孤生叢波濤。獨立艱進退。得無好名心。亦足爲山累。禪堂畱帶客。憂患同歷試。神定雖不搖。才奇尚宜晦。金山瞥眼失。打鼓聞迎潮。船頭壓濃翠。已有焦僊招得姓。

自漢代光也名不祧千年眞隱氣尚作青霞標孤蹤偶然
耳適與名勝遭終南幾捷徑有托皆思逃茲猶面目古異
彼虛聲器寒鐘欲到水碧意江天飄壁蘿動帆影驚鷗起
踏巢平生卧遊處夢寐縣松寥何年步落月絕頂山門敲
與佛同一鐙卧聽江海濤

禽賊當禽王使船若使馬我來黃天蕩險絕動悲咤大江
限南北兀术何爲者援枹昔助戰響震金山瓦中有君父
仇如虹氣能寫一笑指烏珠居然甕邊鮮誰教鑿老鸛太
息前功捨當時斬王智豈出舟人下天意尺寸間英雄力
難假孤臣許國泪已付西湖社偕隱終六橋餘生託瀟灑
白雁一聲來偏安事聊且遺恨滿寒江潮聲至今喧
清時罷置戍洲渚多成田臨水三四家茅屋斜陽偏離落

忽飛蝶孤花明如然極目可數里野意生炊煙遙村欲斷
處漸與空青連似聞叱犢過響動林中鞭牧童爾何福生
死江南天幸當承平世耳目辭戈鋌所謀僅一飽夢寐固
已安因嗟載酒行重負躬耕言置身在圖畫轉憶湖湘間
楊柳綠不極隔江人喚船

江左財賦區受惠在侈靡慢藏稱誨盜過盛轉叢毀亡身
未因病卽坐千夫指而況爲之招羣雄色然喜吳山立馬
人笑爲新詞起萬古西湖愁荷花與桂子名區首蒙難天
道固如是鶯花皆死魂雞犬無生理自從道咸來三吳力
盡矣黃天十數年赤地萬餘里至今飛鳥悸不敢過戰壘
想見烽火中燒天哭聲紫若非羣靈助已奪中原恃及時
行儉德憂患猶可止幾見貧家門曾有相關鬼歌舞苟未

休戰爭方未已。武嬉而文荒。其禍乃至此。

魏丕負雄畧。談笑吞吳都。不懲烏林敗。自恃黃初符。武騎三千羣。橫行曾定胡。峩峩廣陵城。荼火軍容鋪。臨江倏氣沮。萬馬難爲驅。吳人甚得計。高枕今何虞。東風吹王氣。忽忽孫郎徂。北兵竟飛渡。天塹宵啼烏。時來輦衣智。時去鐵鎖愚。前日龍舟覆。今日龍驤趨。有山雄西蜀。有水雄東吳。如何并吞者。轉在平曠區。使險果足恃。自古興亡無。英雄謀萬年。不保朝與暮。飄若江上煙。孤光散難聚。何況功德微。僅與時會附。繁華身殉後。餘氣渺無據。江山但自謀。花月供多故。齊殿葬金蓮。陳宮彫玉樹。當其行樂時。歌鐘每達曙。田圃刳魚鳥。樓臺塞雲霧。一朝閱興廢。始有埋骨處。痛哭過白門。悽魂定相遇。殘柳碧無情。秋雨臺城路。

后城兒女國。金陵帝王家。龍爭虎鬥中。雜以鶯燕譁。美人
與天子。並覺江南奢。惜哉洩已盡。恨亦層層加。生死酒色
場。醉夢終有涯。樂盡而悲來。鐘漏無停撾。倘念生前事。故
鬼當自嗟。城根泊船處。餘怨歸鳴蛙。似聞子夜歌。半被青
林遮。孤燈江路黑。何處尋豪華。惟畱六朝月。照此千春花。
白門紅板橋。中有鶯花宅。玉簫哭青蕪。歌吹聲早歇。南都
話舊事。歷歷金粉窟。安知美人頭。已自鏡中失。簪鐙萬樓
臺。所照皆白骨。明朝積屍腥。遂與酒肉敵。五更翠被寒。頗
怪烏啼急。死期倘先知。昨夜眠豈得。流螢暗秦淮。魂氣中
恍忽。欲尋鴛徑蹤。淒塵葬羅幃。嬋娟生亂世。速天乃爲潔。
千載青谿祠。小姑來步月。

謫仙埋骨處。舊宅元暉鄰。如聞謝家句。唱遍秋山墳。采石

一、高樓坐收江海雲。當年宮錦袍。醉筆搖星辰。有山皆酒
氣。有水皆詩魂。釣鰲昔小住。獨酌誰相親。騎鯨今大去。高
詠真難聞。先生未死耳。一醉三千春。茫茫塵沙間。下士多
苦辛。茲樓閱幾輩。來往空無人。租船夜詠史。我亦懷將軍。
神仙與富貴。無地容其身。江上吐華月。流光知爲君。
佳哉皖公城。山翠蓬背落。江聲無日夜。浩浩古愁託。風帆
沙鳥中。閱盡霸王略。釣師收網罷。沽酒綠楊郭。陵谷感靡
今。漁樵話猶昨。偶然吟望處。陳迹來已覺。興亡語填膺。未
暇念飄泊。欲訪大觀亭。煙涂亘蕭索。忠宣祠廟壞。碧血花
漠漠。用公副宣慰。至正國柄弱。豈聞一木支。能救六州錯。
孤忠殿全朝。足雪養士薄。弔古泪無端。蜃氛江海惡。
江光無定所。空翠爲合離。神峰絕倚傍。玉立臨鸕漪。月明

當波心。妝竟似可竄。修眉倚澹服。秀極天人姿。秋螺絕頂
綠。中有聖女祠。銅絃夜深唱。響答江濤圉。龕鐙作碧色。煙
路吹參差。眞靈此翔泊。幽靚風蘿棲。不共蔣家姝。抱郎居
青谿。願歌小海曲。普饑朝雲思。小姑來未來。湖雨飄靈旗。
鄱陽昔傳烽。戰血湖色染。頭白老舵師。變顏指葭莢。不圖
今日舟。全換舊時艦。潮平估客睡。暮鼓隔江統。微雨欲滿
衣。暝照鴉背閃。雲將隻想赴。霧與孤光歛。蕭蕭沙路溼。獵
獵船旗颭。鷗鄉清絕處。秋稅足菱芡。寂寞湖邊籬。菜花開
數點。余本湘山民。煙波一襟攬。有田不歸去。回首動清感。
隄上白板扉。水風自開掩。

朝吟廬山謠。誓志巢雲柯。暮誦廬山高。結想捫風蘿。詩家
譽山癖。竊恐所好阿。忽然覩眞面。奇秀知非訛。空青水欲

巖峭碧天相摩。古人去雖盡。清氣畱不磨。晴翠二萬重。供養靈蹤多。香鑪色縹緲。五老顏婆娑。仙人綠玉杖。手把芙蓉過。餐霞飲瓊瀝。但覺朱顏酡。招我爲外臣。受籙煙嵐窩。世緣苦未盡。此願終如何。

潯陽遷謫後。有客難爲送。至今琵琶亭。時聽瀟湘弄。楓葉與荻花。知是何人種。當年青衫汨。豈異素絲慟。自立稍不堅。易爲憂患中。我非當筵客。淪落頗與共。歡場暗泪多。結習才人重。煙月白茫茫。空江坐如夢。心上四絃秋。翦鐙自幽調。

江山奇絕處。每易成戰場。參以萬古愁。煙月皆蒼涼。才人展所到。取靈幽復鄉。岳陽助燕公。龍門助子長。坡仙獨不爾。筆妙如蒙莊。直令山水力。得助因文章。大江日東去。故

壘懷周郎三分後漢定。一夜東風強。焚艘事寂寞。對酒歌
慨慷。遂移赤壁蹟。來作黃州疆。英雄與詞客。過去都無雙。
高唱聊扣舷。美人天一方。

滔滔江漢流。遠碧盪天杪。悠悠遊子心。澹與孤帆杳。客目
極洞庭。斜陽初度鳥。百蠻天外煙。一綠湖南草。歸舟思轉
迫。倦旅夢難好。枯坐念行蹤。高歌放裏抱。隔岸武昌山。荒
荒送青小。吳宮花自愁。庾樓月仍悄。行當渡江去。約趁推
篷早。城上落梅花。笛聲吹到曉。

薄遊武漢將買舟旋湘作

一笛梅花十四年。高樓回首夢如煙。重尋漢上題襟集。初
返江南載酒船。鄂渚夜寒波浸月。洞庭秋綠草連天。城根
記取推篷處。無數垂楊噪晚蟬。

余卅歲
嘗經此

八
卷
跨鶴仙人倚後樓。賦鸚名士葬時洲。漢唐才盡方題句。吳
楚江空易感秋。赤壁今來烏鵲倦。黃陵此去鷓鴣愁。晴川
閣上高吟客。風水明朝聽未休。

岳陽樓用拾遺韻

身世憑空濶。東南第一樓。白吞全楚盡。青陷半天浮。悄悄
龍邊笛。飄飄鳥外舟。時清堪騁望。不必汨橫流。

暝宿洞庭

我本湖海客。少小窺圖經。雲中掛帆席。散髮東滄溟。海風
送歸棹。復此浮洞庭。君山不改色。四氣相爲青。老仙舊吹
笛。煙雨秋冥冥。涼波盪秋綠。人倚木末亭。騷魂渺難遇。極
浦愁揚舲。神絃何代曲。香草何年汀。如聞瑤瑟怨。水際祠
湘靈。飄飄未能任。一葉紅蜻蜓。須臾暗潮落。稍見漁燈榮。

目窮天盡處。磊落縣數星。軒轅自張樂。不許人間聽。滄桑
幾回變。仙夢倘亦醒。因懷巴邱戰。斧鉞皆祥刑。天戈殪蛇
後。此水氣尚腥。長波送今古。萬代無畱形。安能挽奔瀾。一
使日月停。貌焉微軀托。身世同一萍。壯遊且稱快。醉夢忘
飄零。風濤立如壁。響震蛟宮局。奇景在心目。歸以圖吾屏。
湘江夜泊

潮落空灘始見燈。櫓聲蟬唱若爲鷹。星光忽墮岸千尺。雨
氣欲添波一層。海嶠音書懸雁札。江湖心迹伴漁罾。鱸鄉
愧負招涼約。水畔人家話豆塍。

立秋次陳大

三立韻

閒閨眷秋服。砧響逐雲端。矧此湘纍徒。寥居增累歎。晨吟
每澧浦。夕夢仍且蘭。孤絃一以悄。眾籟相爲殘。玉階有棲

金井無定瀾。因裏北渚約。彌愴西園歡。逝節猶屢軫。繁
憂終見干。離離秋實貴。寂寂春華殫。蕭瑟念身世。微颺故
難安。

高大維嶽

招飲曾太傅祠

一棱城陰日脚斜。平泉別業有栖鴉。柳絲搖檻夢連水。荷
葉繞船香勝花。白社暫陪名士酒。青門應送故侯瓜。竭來
不負朋尊興。休對秋盤感物華。

七夕

愁陰故千里。玉階立無時。秋霖方卷柯。夕漲且平池。歎席
感寒早。悽辰怨曙遲。蘭閨緬佳會。惜此風露期。神眷每翔
泊。幽光澹雲旗。宵盟佇月落。曉駕催星離。銀潢聲西流。詎
逐桑渚移。修梁倘可陟。坐恐靈禽疲。迢迢黃姑浦。寂寂湘

水湄軫別對波路斜河宕成悲

題劉春禧康紅豆山莊藏書圖

三代以上多藏書。靈崖巖巖神所居。赭虹千尋孕奇豔。玉
軸璫笈天爲儲。何人試探宛委穴。龍螭畫抱緇繩麤。中有
萬古元氣積。予黃運化相權輿。不然陵谷幾遷變。瑤光肯
逐微塵徂。祖龍一炬赤帝起。六籍乃出秦灰餘。冢穿壁裂
不無意。神物自貢非人驅。終由藏皮得完固。人力居半難
盡誣。馮西詞伯稱媚古。高齋瞥觀藏書圖。是何妙筆寫奇
境。墨痕慘澹心血俱。舊山萬仞青霞外。古翠照見鬚眉癯。
清都鸞鶴閣高韻。琪葩紺草誰能鋤。若有人兮山之麓。小
樓一楹花數株。偶然吟嘯含蟬蛭。風雷萬籟皆笙竽。奇編
鉅簡充棟牖。呵護每遇眞靈趨。丹黃點勘不離手。庶深案

迴堆蟲魚紅蟬碧蠹爾何福煙嵐供養神益腴松光石氣
忽滿紙捫來一片煙模糊誦聲琅琅出金石以耳逼聽如
可呼文章古今悲泪海賢聖精力同消除人生一字一憂
患君顧戀茲無乃愚東隣富兒似得計藏者爲粟爲金珠
各持所守還造物神明苦樂將毋殊劉侯信有希聖癖其
神逸形豈劬尚論千載易得友讀破萬卷宜稱儒會看
蒲入金馬承明箸述儕嚴徐我方秋齋夢蝴蝶芸香卧
枕慵鈔胥青燈苦憶兒時味紅豆喜問先生廬柳娘書局
翠蕤靜人迹不到眞愁予翻擬導師乞仙犬稍窺十乘瑤
華車高閣停雲此悵望故園秋樹今扶疎名山位業在靜
者窮愁人海胡爲乎忽看金匱石屋夜半吐光怪應是君
家蔡父曾照靈湘壽嶽炎精墟

張七蔭廬招集賈太傅故宅

芳塗翳返景。佳會啟瓊軒。載瞻尊俎錯。聊屏歌吹繁。煙蘿
傍晚媚。風篁當晝喧。承塵已無鵬。事往徒招魂。碧湘旣隕
門。會春亦荒園。欲尋前代宮。但見寒颿奔。遐哉賈王傳。故
業茲獨存。不因絳灌忌。誰復嗟煩冤。裴裒行吟地。冥寂流
涕言。遑知古井水。惻惻微濤翻。

爲有

爲有江湖興。抽帆暝不辭。秋痕雙鬢換。客夢一鷗知。楓冷
如中酒。蘋香欲上詩。湘靈堪晤語。弭節未嫌遲。

訪劉丈黼文東塘別業

舊諗塘東路。幽居結古懽。葉多時隊雨。山遠自生寒。病馬
歸仍切。昏雅跂未安。杖藜從取醉。那負酒杯寬。

同年王芷輪

病歿於濟南歸櫬武陵有日矣余不能

待畱詩哭之

飄蓬無靜埃窮桑有頽曦千春亦鼎鼎隙駟相追奔委形
邱墟內賢達安足論魯哲歆芑莒楚忠悼荃蓀夸天跡上
壽顛倒隨乾坤良朋久乖睽南北殊轍轅相思阻山岳欲
往愁羈魂夢迴曉月墮書到秋霖翻袞徊感風義爲子哭
寢門憶昨寓京國獲交賢弟昆聯鐙北牖話並蓋遊東園
劇憐長卿渴每置花下樽青衫各就坐涕洟多秋痕君才
信深遠威鳳宜高竊蒐牢備今古有論皆挾源持將貢巖
廊希世儕瑤琨獻賦兩不遇幽憂泣嬋媛雲鴻一以散鄭
重分襟言著鞭愧祖逖縣楊思陳蕃方擬詠招隱小山叢
桂繁秋風百草綠回首哀王孫明湖淨無波返棹當湖院

白髮猶倚閭那得忘憂譏謝池春不到苦調淒城壘嗟余
判潦倒醉卧江上村行吟畚山鬼日暮幽蘿昏隣廬夜歛
笛欲聽聲先吞他年訪宿草酹酒呼九原還持萬古泪灑
向青楓根神明幸不隔泉路同寒暄應畱茂陵橐把卷疑
生存君今倚玉樓不記塵海喧人天本共運未必修文尊
何當汗漫遊披髮敏帝閭巫陽倘下問急爲陳煩冤
清浪灘伏波廟

五谿月墮煙茫茫瘴花吹雨榕金涼猿啼客泪共朝夕有
夢安知還故鄉亂石排空一千尺江寬忽挾秋聲立荒灘
斷艇欲驚絕破廟殘鍾正愁寂龍蛇畫壁生秋埃伏波將
軍安在哉款段能騎計亦得今人苦要爭雲臺行沽判向
沙頭卧猶有飛鳶掠舟過南征舊曲聽可憐橫空一笛星

光大酒酣無處招英雄古來萬事奔濤東

橫石峽

揚舲沂空峽屏慮稀所營崩崖墮磬欬仰視煙蘿橫締宇
境獸剋凌虛聳軒楹下有奔湍衝上有峭壁撐翔雲翼層
構返照銜孤檠古苔繡磴道石氣無時晴松濤忽穿榻枕
席秋欲鳴簷牙接飛雷直下如梯絙全家裹雲住習慣身
手輕微風隊山果響戛匡牀鏗雞埘就高樹宿鳥時相爭
緬茲巢居俗動我軒燧情有耳聽宵籟不聆瑟與箏有目
玩晨暉不賭簪與纓處仁在善擇世網安能嬰懸磴出樓
杪江影偶一明照見塵中顏媿此鷗波清悠悠關梁役寂
寂援鶴盟幸當迴俗駕毋使山靈驚

題梅憶圖二首

閒攜湘浦月。遠問羅浮村。羅浮客歸海。仙杳空縣片月愁。
黃昏行盡長橋短橋路。夢衾千里春如霧。亂鴉啼後橫曉
參不見年時試。鐙處玉人正倚水邊籬。半黃細雨聞馬嘶。
馬嘶聲漸遠。寂寞天涯館。山中孤鳳苦啼春。花底半蟾愁
挂晚。綺衣玉骨清無埃。彼仙之人安在哉。梨雲香銷鶴夢
盡。空畱笛韻飄煙落。春來已是相思穀。一樹梅花爲君瘦。
曉行

黃葉聲中催酒醒。回頭煙水失孤篷。關山仍與客。燕左星
月似隨余。馬東殘夢不離秋。草綠故人猶翦夜。鐙紅。謂會懋翁
垂楊未是江南岸。何處旗亭唱曉風。

爲鄭二覲蓀題松林禪隱圖

有何不了方爲僧。鈍棍苦趨最下乘。毀冠裂服相師承。髮

膚當愛敢弗兢菲棄遺體良堪懲疇克副是清淨稱每借
佛勢漁田塍鮮衣絢日裁吳綾美酒如淮肉如陵初地孰
掃蛙蚋蠅我志欲使禪波澄誓將辨味分淄澠僧可盡汰
佛則仍覩生鄭二吾友朋獨諳內典窺金繩經三萬卷手
自膳以禪爲隱戒行恒以隱爲禪願力宏虛堂返景含素
繒畫師不寫形鬚髻科頭歛膝意態矜袈裟壞色落花淩
眞形幻影兩莫憑慧光直照三生曾寫松數株林數層松
着紙上若生裊煙痕墨氣慘澹凝一松乃有一佛凭天龍
豎指松力勝對松說法松欲磨居然北秀逢南能禪師面
目冷若冰神駿突過支公鷹野狐瑟縮歸榛芳天風忽起
雲濤蒸蒲牢百八敲噲吟眾生聽者休瞞騰須臾片月松
梢升人天亘古無盡鐙頽令頂上光明增我欲問師師或

憎靈山到處皆可登捷徑那復愁梯絙紅牆翠楣聳峻嶒
徒厭醉飽紛填膺胡不打包攜行滕維摩丈室亦所應而
反枯坐倚瘦藤禪稱爲隱信有徵師謂此樂卽曲肱圓蒲
坐破吾當興

五開道中

楓林當返照寂寞此停車巖氣青藏虎樓陰墨壓魚苗人多於
樹下儲白頭翁鬢餅赤腳婦持鋤努力勤耕織霽凌氣已
除

家大人截卓山竹數筒蔣次香文鴻王雪澄秉恩各以詩

乞得其一因步元韻卽呈兩君

梵峰挺瑤柯

卓山本名梵淨

淨植匪瓶甌秋林鎖空煙能使雨氣

紺夢到湘君祠黃陵水雲暗持作管城助萬景歸點勘

腰青玉截鳳羽蒼書鑿迹雖入林雅望恐得隴檻拂天影
原修擲地聲肯濫想見幽綠叢詩魂已先瞰奪逢喧賓強
坐對佳士憺撫茲頤黃勻銷爾輭紅澹翻嘲山谷翁咒筍
思飽嚼胸藏渭川千句復淇奧三

徐大令芷春以琬瓷鼻煙瓶見惠雪澄固甚欲之因次前
韻乞瓶余感其篤好和其詩且以瓶贈焉嗟乎雪澄巧
媿豪放而無所施而遂遁於詩之一途雖曰有例可沿
然亦窮於技矣

宵齋署青瑩靈冶呈碧甌雲氛宕層素霞采凝荒紺眞形
蜿翳肖寶氣龍鸞暗搏霜玉杵失扶露金莖勘陰房費搏
鑄鬼斧出琬鑿爭崇挈瓶智遑計裏壁慚珠還謀偶祕額
覆句誠濫物纖枳好聚質嫌百靈瞰遺芬鼻觀襲旁睨心

兵憺龕宣幽綠濃室對虛白澹交臂驚再覲分禱快一啗
瓜剖惜難兩桃竊笑將三

雪塵更次前均相謝中有諷意余蓄此瓶將以貽如秋孟
郎於它日者情棍甫種卽有風波可慨也因告雪塵兼
示芷春再疊韻

雅譚泐冰壺逸賞傾露甌煙情緬餘碧霓采鬱孤紺抱質
欣瓦全投時惜珠暗辟紅花鬚黏瑩白石髓勘盆合高麗
盛鼎異昆吾鑿畫馬晉卿吝書鴟魯直慍儉腹欲暑恥禍
首孰觴濫鼻觀丐殘馥心室攸奇瞰僕詩覆甕請君意寡
寶懽愛好一生誤聞愚六棍澹行參木犀禪更乞花豬啗
遑知贊運百且學圭復三

余我如通守招同家大人暨雪澄次香諸君集龍岡書院

再展重陽芷湛亦在坐

榕舍回馬動寒森。菊老萸荒徑幾條。天影四青穿檻入。秋
魂一碧倚雲招。湖山有福詩人聚。官吏無猜酒陣騎。好向
行勝添畫本。此身終擬混漁樵。

和次香韻送雪徵將母回黔

滿馬荒雲墮碧曉。頻抽快筆寫霜條。翠微秋色詩能助。紅
輦春塵夢久消。小草慈闈三月補。大裘歸思一雲遙。山城
擘鏡相驚瘳。未免年時飯顆嘲。

眉山古翠壓獐嵐。詩虎登壇眠總耽。蘭蕙紉纓襲馨逸。珠
璣咳唾落清酣。荒波夢擁千層碧。別路天開一角藍。歸采
咳華春訊到。傲他牲鼎門肥甘。

明日行矣三疊均送之

所盤青髻縈浮蟻綠彌顧諟塘汎深縹焚棟搯淺紺壞景
楓霞明淒香竹霧暗秋亭孤吹戛暝路一雲勘龍文惜顛
蹶蟲枝悔雕鑿緣竿嫌鮎慵食字笑蠹慙那免東方飢甯
同南郭監呼酒氣猶洵咨涂夢先瞰沈眴蕭辰徂歸意遊
子憺行山僧腳疲止水道胸澹贈楫佇新咏煨芋尋舊嚼
田買陽羨雙曲調渭城三

十月十三夜月淒景值冬而娟質仍秋賦詩紀之
霓豔重續武夸遊翠亞仙亭舊幔收天上一雲仍玉氣人
閒半夢又瓊樓箋藍卷水魚波直鏡碧分山鳥路修贏得
秋魂銷未盡桂華纖影爲誰畱

丁戊之間行卷

漢壽易順鼎寶甫

古今體詩

擬體寄伯嚴

蠻江翳寒色日暮心悠哉綠蕪彫通津朱華隊廣崖煙促
陰壑閉月繼陽林開飄梗睠遊子折麻思上才鵬去賈生
宅鴻飛定王臺湘水目千里豈無青琴哀

送胡孟存歸都江兼訂來歲出山之約

將雲一角天西南諸岑古翠靈氛含鴻荒舊青未上刻蠖
畧新碧方下盦泰介出困剖環奧瑤宮玉氣春霏酣妖彗
隙空鬼火綠積屍氣涌宵光參婁徒蕩姐苦跳擲荆天儼
罷威鉞戢十載儒風委蔓草一朝聖雨迴枯蠹楫猥牖邇
頌枕被獐天蠱國春能覃道真遺薪伉飛劫後來健者疇

揅擔先生杳然秉清皓雌節自守師熊咆大荒無雲一鏡
色真魄內與虛波涵桴龍銜哺代爨木光氣欲敵羲辭驂
經樸郛亭並上壽鼎足竢子當成三嗟余僂蹄困道長羽
陵素業拋芳蟬榕軒寫襟得簾牖每執醕聽提荒耽夕蟾
娟來影在壁萬竹不動聞幽談人海雲薜偶散聚歌離戀
別甯非貪判對秋裳翦青芰坐驚臘酒催黃柑歲晚江空
忽惆悵掉頭却顧山中庵逋仙棣妻鎮相憶寒花蝶夢同
清甘初陽荒荒思兀兀冷色褰積爲千嵐江亭老楓弄涼
態澹吟扇葉秋魂探水市漁燈曉爭碧山天鳥路宵無藍
短燭孤篷聽殘雪明朝絲鬢都盈簪歸葆幽姤御遲暮曾
冰疊霞君猶堪名山精廬有僕錄破淞爲我蜚鱗函竹王
祠邊候風訊迎神簫鼓圍春龕一舸期君載書至流紅穩

趁桃花潭

題蔣大次香黔遊詩草

忉利宮畔昨夜聞偷詩玉晨王者中酒醒已遲璇妃珠吏
相聚語恐是奔度窺環兒三十三天大索迄未獲那知此
客抱詩數弓乃向下界紅塵嬉天驚石破華陽國靈區早
納眞精宅峩眉冷月橫一九萬古純青鑄詩魄荒荒壞雪
明蠶叢極天鳥路且蘭通袂徒四呼風影黑山鬼一笑秋
顏紅飛入危霄取太白瑤光破辟填君胸雕鑱坐被羣靈
詬幕府青袍幾回舊鳳樂難諧聾俗聽鴻文肯入盲僮殼
淮南秋樹字字騷江東春菟年年奏腥波瘴綠飄成圍獶
花逗空蘋電飛陰厓層落色深碧猶有太古蟲眉鳥跡之
畱題山天忽窮奇句出洗硯入手星河低古戰場邊躍馬

過靈風鬼雨交相吹，
將江無鐙夜呼渡。
自吐奇餒爲千霓，
不信磨人到盾墨。
翻憐織句多弓衣，
生平辭賦蘭鯨麗。
豈厭元瑜擅書記，
儘坐齰門聽鼓笳。
都非國士揚眉地，
筆健曾支鴈鶴軍。
詩成總帶龍鸞氣，
千樹萬樹桃花佳。
蠻天盡處遮紅崖，
西南諸岑鬱奇秀。
雖有暫闕無終蕪，
尺牋寸毫苦搜剔。
生面別畫鴻荒開，
古翠嵌霜削秋骨。
今紅顚露剝春胎，
雲仙可以涉想到。
山水最鷄知己來，
青蓮去後竹王老。
空靈餘氣資仙才，
蒙年十二遊黔始。
旗亭舊句風煙裏，
過去才名酒樣濃。
重來夢影秋雲似，
等向天涯讀畫行。
輸君獨喚山靈起，
江樓擁卷敲晚霞。
添得榕陰萬重紫，
劉笛友畫梅花帳額爲曾茂如題。

劉生畫梅如畫龍，
太陰慘澹來虛空。
真身四孳宇宙隱，
鎮

不壞煙濛濛。冰花鬱蟠透紙背。筆可屈鐵。天無功。頻與
驪宮抱珠睡。涼意襲入花當中。香海潮光湧。秋月石梁落。
氣纏春虹。水精空簾織。宵霧銀湫倒。挂天西峰。曾君伴梅。
如伴鶴。紙帳禁寒。渾不覺。昨夜魂因玉笛銷。前身魄向冰。
壺濯。衾窩啞透。水雲涼。花是瓊肌。君鐵腳。枯槎觸石。銀河。
翻能以妙筆。通微瀾。仙山樓閣。夜無主。飛愁入香。香訴天。
珠海青鸞斷。消息破鬟倚鏡。凌朝寒。玉色仙雲。飄一尺。瑤。
天翦得江南碧。呼鐙夜起。蹋湘波。知有靈妃立。蛟脊。
鰓次香榕城冬日雜詩

梵崖氣洩昆侖支。南窮九疑西三危。回溫胸含黍谷律。破。
凍手種搏桑枝。一廬極天影不到。羣蛙共井謀何卑。補牢。
尚足御風雪。事後有人憂路歧。

初景兀兀煙微微。冷光襲搖蘆雪。崎入林未嫌楚竹瘦。出
窖但祝唐花肥。乾螢分同露草盡。渴雁勢難霄界飛。天寒
無言翠袖薄。婉孌季女愁朝飢。

雙江一冰波。鏡堅。雙煤靜。匿儲春鮮。祥雲擁樹動碧宵。撞
雪破花飛紅媽。水西驕子母嘯莽。山中美入方泣荃。箋天
苦衷怨遲暮。汲汲欲挽義。蘇鞭。

妖箒晝閉羣靈訂。飛愁入波波訴空。娖徒咒星地純黑。羅
鬼種火天奇紅。西郊不雨忽焉霽。東方之日終有曠。慎勿
號寒苦擁鼻。高吟爲爾迴春風。

袁杏村太守以宋石經周禮殘本暨觀古閣泉說見貽賦

詩二章寄謝

古人讀書勞。今人讀書逸。結繩治有草。英冊萬青出千聖。

與億賢日謀鄧林側嫩翠剝春胎瑩蒼刷秋臆猶致羸火
焚神天哭殘碧誰發安釐芻空索文宣壁再變灾頑墻羣
言龔貞石六經自奇壽豈借金石力其理在空行與經二
而一文章皆唾餘道以無字積芒睂擁真精虛天爲石室
後儒限眊挺盡足衆太極翻愁不識字甌較祖龍烈遠貽
石經本函端光怪發周禮稽宋拓善本惜殘缺休說熙豐
朝此書曾誤國鯁生百無能蠹死一何拙手此鴻都經目
無兔園冊擎編元氣厚俗指灑皇雪中有豐鎬雲垂光晝
然裂幽蛸環抱之玄雨太陰洩古山石氣青班駁雜沾色
如聽打牌聲天陰路純黑

王戎諱言錢其嗜乃入骨彼惟諱之深所以嗜之秘名士
每多吝銅臭斂成癖惜哉嗜非古黃金鑄俗物近時杭太

史手忼亦不釋十指青綠痕黝然自珍惜所取僅從大今
古未嘗擇嗜泉奚足諱博古庶無蒯袁侯贈泉說撰者爲
鮑君唐胚與漢孔評隲何紛紛太圖一青色中有千古雲
幽宮抱綠泣壞雨沾花春涼窗晚初拓紙暈吹秋紋方兄
匪土木酬知當感恩如何舍人職謂鮑君冷陽京華塵侯本
北方儒泊乃西黔冠飲水到牂江輕裝照波見但有劉寵
一而無何曾萬腰纏騎鶴此事輸人健閃揄揄末俗貝
玉同位亂瘠彼身無脂肥余背有汗墨氣襏巖置清風望
君扇蒙將廣泉說祛此七聖難

田將軍妾張氏殉夫詩

將軍玉立天人姿功高不封由數奇焚香朝熏死士骨置
火夜照生王臆愁來射虎南山下短後衣穿出無馬帳前

歌舞散春雲多少平時受恩者妾張氏何許人當年有命
逢將軍將軍蘭足妾蓬髮妾貌如花心似鐵尋常舊擁千
嬋娟未必承恩偏在妾將軍一代奇男予妾心早爲將軍
死將軍十年邊戍臣妾身幸共將軍存將軍卒年四十一
賤妾餘生未三十距將軍卒纔兩日芙蓉冷膏焚秋魄美
人虹倚湖山立人間一笑煙花盛靈風幾日吹衣勁恩重
能教性命輕節危轉見神明定君不見羸穆三良殉知己
田橫八百因感恩感恩知已今亦有幾輩愧爾蛾眉身我
作歌泪如雨人生得此堪黃土若見將軍煩寄語不得紅
顏一死來英雄萬古都無主

田將軍妾張氏旣殉夫其妾董氏復相繼以殉題二截句

紀之

田橫廢島秋雲冷。奇事君家更見之。泉下英雄含笑否。一
雙知己出蛾眉。

畱得餘恩死後酬。雙雙玉葬九疑秋。憑將兩道如虹氣。推
倒人天燕子樓。

送向斗南軍門

長曙

歸保靖

牂牁水立搖虹根。娖徒咒風花一村。暝月孤青萬山黑。英
雄失路歸無門。樂毅暫辭燕廉頗。初去趙眼底風雲堪一
笑。醉時驅馬水西頭。愁來射虎山南道。竹王祠下秋啼鵲。
離心如雪飄滿天。神州鼓角白日動。滄海蜃氣飛樓船。君
歸莫廢陰符篇。

擬行行重行行

行行重行行。攜手登河梁。遊子激遠志。征馬思舊鄉。毋爲

立斯須徒增歧路傷猶恐北風至旦夕吹君裳悠悠道里
遠杳杳自日晚將腸持比輪輪歇腸尚轉男兒生世問安
用多親知生爲遠別離死爲長相思

擬青青河畔草

青青河畔草灼灼園中花娥娥朱樓女皎皎如朝霞蕩子
遠行邊歸期當及瓜相思不相見各在天一涯月明守空
房滅燭聞咨嗟

擬青青陵上柏

青青陵上柏皎皎檣端雪人生如大夢壽命異金石有酒
相對酌身外何所缺製我遠遊冠在彼首善國丈夫志功
名征馬四蹄熱紅塵蔽九燹雙闕森岌嶮日暮不得餐行
子氣爲結逝將返初服老死巖與穴

戊寅元旦寫懷

前年元旦雪積地我時正下樊城騎去年元旦風滿天我
時欲上雄溪船苦求進士不得進一第天猶兩番吝負爾
梅花定幾冬輸他楊葉真重閩萬里人歸春亦歸山城響
竹敲斜扉如夢驚花瘴雲裏極天簫鼓春江園開華筵酌
大斗此夜團圓尚堪守春星高高照我堂上之父母兒願
誼詩親誼壽東風歲歲屠蘇酒

立春

坎坎迎年鼓離離獻歲盤薄醒支宿困堅坐領春寒待燕
陰先準眠花夢已安東風舊相識爲爾一憑欄

人日寄陳大伯巖

東風吹愁天上來墮我澌澌之深杯東風吹人酒邊老那

得容華似春好朱顏不敵白髮多青眼眞愁素心少所思
在何處乃在湘水西別後湘波冷成雪梅花倚天幺鳳曉
北渚美人怨遲暮南山季女唵朝賸君弔澤畔壘我行夜
郎國鴉巢坐雨天寸青蛇匆飛星地層黑幾度題詩寄草
堂五榕作客逢人日猗祠簫鼓迎春歸思君正掩天西扉
路入辰龍峭壁立萬山月墮愁無梯定王古臺城北路閒
園是君讀書處鶯花黯黯君登臨目極千里傷春心此時
對酒狂歌發休使青絲鏡中歎文采猶堪覽鳳凰年芳未
肯驚鷗鳩人海依然兩寓公江湖等是一漁翁勞君夢到
滄江上風雪蠻天有釣篷

春寒

澹澹松間雲濛濛花外雨溼光轉絲簾隔夢無處所積爲

空水氣暗碧動窗戶新落一痕缺已有嫩寒補孤行近池
竹粉墮衫色古高樓攔層陰壓重覺花苦江遠見白沙煙
中片帆舉春山癡擁鬢神共暮天語吹嵐欲成波黃鶯樵
路阻萬態互踳踳半晴猶齟齬閉門習堅坐冷思窄襟聚
詩屋縱冥搜飛愁遍春宇籬根夜火青似話潮生渚暝宿
楚江曾風鐙照羈旅

十六夜月食後始見月作

滿城鐘鼓如春雷鬧蛾掃盡雙江街千聲萬聲絲管歇三
家五家庭院開此時碧空無寸碧缺蟾冷暈飛雲蝕純青
想見一丸孤閉入獐天抱春泣春寒側側難爲晴春月疎
疎不肯明涼陰壓花似露重暝色圓樹兼雲輕昨宵徙倚
闌干暮第一圓期天已妒夢中樓閣不離風天上鶯花都

隔霧廣寒劫後聞吹笙此時萬瓦翳華凝半空水氣亭臺
涇一髮春愁天地青輭紅堆裏衣香醉却憶京華行樂地
鐙火春星落九霄笙歌夜月飄三市別來人海覺秋多非
望因風想玉珂祝爾清暉休更減一輪端正照山河
冶春惆悵詞和次香

絲風絲雨畫簾交燕子春愁涇半集吹到玉笙天亦瘦嫩
寒人倚碧雲梢

湖天不動綠楊侵照透橫波一寸心似向小姑祠畔立靈
風夢雨畫春陰

花太聰明眉太么冷妍從不受春饒等閒六寸圓膚膩壓
倒金蓮步步嬌

情天無奈又眉低茵潤生涯本不齊手寫綠章三百本嫩

紅籤字要儂題

前題六首再和次香

玉顏生受病黃欺。紅怨如霞逗幾絲。減到梅花租一半。海
仙辛苦尚噉飢。
生憐玉骨瘦香桃。倚定闌干一碧高。昨夜東皇新受禪。也
應歡喜赦花牢。

藍田無種泣瑤瑛。多少庸脂浪得名。屈煞蠻天好顏色。春
山愁倚峭鬟迎。

眼波簾罅接春流。去便思量見便羞。畧可支持扶病起。面
紅先向海棠偷。

鏡邊盤髻作螺形。百摺裙穿色更青。妾飯紅蠶郎飲犢。生
來薄命似秋星。

相思難寄況明璫。淺淺春寒薄薄裳。爲向禪天求護惜。妙蓮花擁瘴雲香。

踏鼓行

苗俗於春日除廣場以竹三竿懸銅鼓一扣之男女踏歌各爲隊。遠鼓外行如旋磨然。其歌辭祈福禳病之意居多。應鼓爲節。不僂亦不嘽也。暇辰逞觀賦句紀之。

一人帕首欹蘆笙。參差鳳翼春相鳴。竹王祠邊正吹曉。東風飄雨靈旗青。一人縛竿逾丈許。繫以朱纆貫銅鼓。一人持甬逗鼓聲。鼓聲將停甬聲補。三處兩處繞場開。十隊五隊耀歌來。夫丁女王聚雜沓。兒童拍手雙江街。以鼓疾徐爲進止。蹋成慘綠斜陽裏。歌聲一道碧搖天。如夢春雲飛不起。苗姬十五誇輕盈。粗服亂頭姿趣生。百摺裙昏泥睡

蝶萬重花氣圍春鶯。紫鳳天吳衣上有。潁光。夢地妖虹走。
斜行初似蟻緣藤。細意旋成魚貫柳。嬌歌窄步來登場。繡
羅抹額銀珠璫。夜郎山高郎何處。餘響蕩入牂天長。迎神
送神辭隱約。此時士女無相諠。彈冠但指白鵝翎。行酒休
辭翠觥角。楚歌聊足代傳芭。鄭俗原非存贈芍。冠裳且復
漢製善。鉦鼓那見黔氛惡。君不見。清江苗。年年戰壘秋天
高。刀耕火種俗獷悍。一變可至康衢謠。帝廷方今有干羽。
後舞前歌奮

聖主

連日與次香談雜述

讀書求死所。曰在忠與孝。熱血摩汗青。人天碧相照。古來
存節義。士死不須弔。各受君父恩。身亡以名報。按劍望中

原神州正鵷。嘯蟠胸尺寸。略感激圖一效。幸則爲卧龍否。
亦爲黃鵠。南陽未能顧。東海猶可蹈。

西日照頽景。東風吹盛年。人生非朝霞。安得常朱顏。隣家
有處子。自惜容華嬌。金屋猶不壽。況乃幽蘿牽。蘭心質春
樹。玉氣蘊秋開。愁倚碧雲立。美人方問天。

作者日以多。傳者日以寡。微名如寸羶。蟻附苦無罅。低首
過名山。詩壇幾王霸。古今失路人。趯力殉騷雅。陳編已山
積。衮衮後來者。彼蒼窮志士。毫末不相假。一寸仰屋心。箋
天墨難寫。棄骨黃金臺。當時皆駿馬。

鰲叢望不極。奇秀開三巴。蓉城一紅色。萬古才人家。揚馬
有高文。麗藻披雲葩。青蓮與玉局。龍象爭騰拏。君能盜餘
氣。擲筆西天霞。峨眉半空雪。錦江千里花。中有數文字。百

變歸無邪

春晴同次香夢巖諸人遊城外二首

如夢春雲送出城。碧天落色染新晴。靡蕪客路初行馬。楊柳人家欲住鶯。劫後風花畱黯澹。愁邊煙草費分明。倦遊總憶江南好。黃蝶飛來話隔生。

短隄新漲翠平腰。一翦輕寒草路銷。江樹碧稀如有待。野花紅極轉無聊。春痕在水愁雙燕。人影兼雲想六朝。只惜東風好村郭。不曾商畧酒旗飄。

岳峰同年主講龍岡書院春日與次香夢巖諸君走訪有作卽呈

山天萬里聞吹笳。黔湘接壤稱犬牙。一綫蠻江走百粵。千盤鳥道通三巴。支持危青出蹇兀。閉置古翠成幽遐。水西

樓臺兩腳到天外。壁壘虹身遮。遑遑聯營門有蠃。紛紛共
井鳴。皆蛙。碧雲春掩竹王廟。黑月夜投山鬼家。墮地蜚機
齧死猴。極天灌莽攢生蛇。民營宜先剔。壓柘野薜那得滋
桑麻。宅西疇。秉昧谷燭。指南競辰明。廷車六藝百行。惜不
講。三家一村。愚可嗟。豚柵羣嬉子弟俊。兔園數卷師儒奢。
偶有聰明亦暴棄。何由風俗能貞嘉。南國儒冠忽過問。東
風戰鼓初停撾。使君爲政意。僂俛講院重關峰。嶮呀孤寒
八百歌。哭歌。廣厦萬千期望賒。賤子齊年有詹愈。高徒問
字如蔡芭。江鏡雙藍影雜遡。壁燈一綠聲伊啞。瞑寫詎藉
螢照案。晨吟輒禽蜂開衙。獻玉殷勤挖巖槽。揀金鄭重蠶
谿沙。荒城由來闕文獻。薄習未免趨奇衰。但令諸生日識
字。會見彼婦風移髮。豈無霜後擢潛穎。著手所望添萌芽。

豈無塵中抱殊質。辨骨所望登驪駒。規摹鵝湖鹿洞嬪學術。虎觀鴻都誇要使。冬餘廢夏楚。更從秋實呈春華。富貴功名固有命。文章志業當無耶。柔輕剛畸慎軌範。舊編新義勤梳爬。本此爲教庶非苟。雖古者儒何以加。採蘭一山得露引。種竹千箇期雲擎。素篋儒風扇蠱水。紅壇聖雨剪。撞花經師自將豔青史。宦味豈必貪烏紗。一日思於物有濟。池年別或天之涯。聊傾蟻醕對醕醑。判逐鳥語爭談譁。蕉色上窗客烘紙。松聲下樓僮煮茶。大雅多於此邦鯽。小住是亦吾廬蝸。花霧黯黯着衣溼。草風蕭蕭吹路斜。浮煙如屏條九疊。落日以徑爲三叉。故人夢魂夜窗雨。吾輩意氣春天霞。詩成擲筆萬山翠。遙空古墨盤昏鴉。

桃花行

談摩宮裏多花僊。謫居怨土眞可憐。飄墮千春未歸去。餘
霞鎖斷緋羅天。瘴煙滿屋牀江黑。照見紅顏尚傾國。耐得
東風料峭寒。催成北地燕支色。睡鴨香鑪日夕熏。祝花語
祕願花間。幾回解珮遲湘女。幾度攤衾待鄂君。高鬟一尺
斜陽上。莫倚闌干更惆悵。半頰添潮倍有情。全身印水都
無恙。江南輒水綠周遭。曾記芳遊盪畫櫳。人面當花妝鏡
直。春愁如霧酒旗高。啼鵲不住啼鶯住。悔向珠簾通一顧。
寫扇華年惜李香。求漿舊約憐崔護。嫩寒籬落背人闕。刻
骨香桃祇自猜。金屐踏寬紅雨路。玉簫吹瘦碧雲才。慵香
倦粉都呼起。亂夢今宵須料理。詞客重來事已非。美人一
笑春如此。阿儂住近桃花江。千枝萬枝遮綺窗。肯下鼠姑
應第二。其旁燕子亦成雙。祇今斷騎蠻天外。苦問桃根嬌

姊妹雨雨風風最不禁。花花葉葉空相對。怕春憔悴恨春忙。生日明朝醉一場。
時花朝前一日冒死願爲花請命。滿身紅雪拜東皇。

宵卧聞雨聲爲桃花憂甚枕上得詩四章

朝陰休洗紅。暮賦怎生黑。

李易安詞獨自怎生得黑

寒響被池寬。涇光

鐙路窄。露井迷蝶蹤。風廊斷蜻翼。隔夢一重簾。如聞花太息。

二分瘦骨瘦。一尺高鬟高。疑聞北渚泣。欲補東風驕。幸勿

綠珠隊。甯爲紅拂逃。玉聰感舊住。銀蠟憐新燒。

化身爲一雲。誓補恨天漏。滅齒得千日。冀延香國壽。更修

四聖祠。位次百花右。風伯暨雨師。雷神兼電母。

是當貯金屋。而乃泥中掇。生憐翠袖薄。坐恐紅霞收。非僅

惜豔冶。竊欲瞰靈修。嚮來讀青史。常替英雄愁。

花朝日全家遊五榕山茶坐觀音閣同由甫弟作

殘山擁黛水鋪銀。二月蠻天始見春。畫裏白雲行看子。花
前紅雨降生辰。鐘魚座壞曾飛燹。車馬江空不動塵。拔宅
居然仙眷屬。那從無着問天親。

江空細雨欲鳴沙。峭閣輕寒茗後加。赤地春歸五榕樹。碧
天人拜九蓮花。幽尋似挾山雲氣。小坐還依水月家。願向
淨瓶前稽首。東風南海共年華。

附同作

易順豫

潑黛山光煙雨籠。花朝無處不東風。榕陰一碧迴欄外。
草色半青幽徑中。佛火猶明僧夢斷。山桃盡放春光融。
全家今日同登此。放眼江城百感空。

曉登高樓臺聞蛙聲似丙子歲泊舟金陵時景事悄然賦之

黏雲山影黑層層。月仄風尖閃一鐙。忽聽亂蛙聲不住。白門回首泊舟曾。

補舊作一首

丙子春北上過黃河有吾楚楊君題壁其末云何似湘江曲臨流聽櫂歌。是時黃流滾滾身在拍天風浪中。益覺故國湘波能使夢魂皆綠矣。偶憶及之爲補占一絕焉。

誰唱黃河遠上詞。旗亭粉壁鎖蛛絲。扁舟夢到江南岸。正是桃花春水時。

悼紅詞五首

嫩霞西角悄憑欄。邊得釵光一尺寬。惆悵仙城人去易滿身。紅雨話春寒。

玉簫吹瘦悼紅才。春怨如雲掃不開。一嫁東風都薄命。桃花昨夜問天來。

面潮全退病黃生。隔一重簾靠晚晴。綠是斜陽紅是雨。春愁盡得不分明。

峭寒如夢送華年。家國恩恩二月天。一例上陽宮內女。曉鶯身世最堪憐。

尋春舊夢冷香驄。又到天西葬晚紅。便使花魂容易返。傷心不忍見東風。

湘真姊全家春日遊榕山圖

小隊行春遠綠塍。五榕亭子趁晴登。佛身黃積蘚三尺人。

影翠添雲一層夾路草風盤馬埒連江絲雨捕魚簪湘山
尚有移家約招隱年年愧未能

自礬生絹寫煙鬟十里江城冷翠間仙吏畫能生紫氣臣
家天許看青山聽來蠟屐聲猶鬧照入鷗波影亦閒從此
披圖疑拔宅白雲如屋不能刪

陳生荔皆寫耄耄圖贈岳峰屬題因倒疊忠雅堂集中題
耄耄圖詩韻

情塵走虛空苦海坐煩惱咫尺卽百年方寸猶萬擾蛾眉
暗相伐象齒明自勦誰憑金母几獨立葛天表北邙螢已
夜南柯蟻初曉淒淒雍琴彈岌岌義轡攬危青風籜驅壞
碧霜蓬埽等譏愚公愚何論倭人倭文章豹畱皮憂患虎
措爪微名役今古賢智亦籠罩中立固有身上壽豈無道

引吭雞蟲林置足牛驥阜愛惡夫眞清哀樂人事鸚龍蛇
促辰已烏兔爭酉卯晨颺吹聖賢白骨夕難保或鵠立鳩
扶或鶯圍鷺繞眾生本浮漚一死皆腐草始以無生生終
以不了了乍觀耄耄圖頓釋欬欬抱會意知吉祥諧聲慰
天紹妙手出自然深心頌難老隱然龜鶴姿狀此貓蝶好
爾貓職維何鼠穴恣幽討尾殊徇續貂眼類鴟察蚤相誇
虎頭異仁覺麟趾少入畫欲忘機花陰睡曾飽蝶夢忽飛
來羅浮天縹緲東風扇仙葩玉色春不槁香國自年年與
花同壽天翻憐韓憑癡未若莊叟狡相從似非類附會無
乃矯鳶魚道本寓蟲豸部兼考藥峰秉雌節葩俗謝徂巧
壺天擁皋比音且變乞烏名山有眞壽修短隨所造題此
更券君荒言慚善禱

寄岳峰龍岡書院

皋比坐成出無車可要門生舁筍輿

陶淵明每出其門生爲舁籃輿夜雨

涼紅雙燭翦春山涇翠一樓居逼才有數須培養結習無多漸掃除料得古香飄滿院稱心文字等身書

倒疊前韻畲岳峰

一簾桐雨坐鈔書想見窗前綠不除良友未如愁易到名山也要福能居雕龍稷下尊鄒爽歌鳳天南老接輿此母皋比嵐翠擁京塵休戀蹇驢車

杭柳行爲伯嚴作

桃柳葉黑藤竹青漲天煙雨秋冥冥海南有人倚鐵笛餘響吹入蒼梧聽方物頻陳象焚貢

皇風舊掃蛟龍腥銅柱何須說漢代越裳早見來周庭大

夫佼佼爲專對玉色揚休水蒼珮別路雲山八桂林峭帆
風雨三湘會燕臺北去甫迴車粵嶺南旋此傾蓋鐙火湖
隄又幾宵文章意氣眞吾輩陳郎跌宕文中豪此才未披
宮錦袍作賦十年洛紙貴投書一哭湘天高眼明忽逢佳
士集心折競出偏師鏖上國交遊託吳札盛年詞賦儕枚
臯鼎也飄零夜郎路昨讀君詩羨君遇欵睡都關廊廟憂
光芒欲動蠻夷顧儒冠兀坐空山閒詩卷孤行天盡處荒
嶠傳多已盛名歸槎壓重因奇句君鄉詩人吳澈翁瓣香
海外稱南豐一屋梅花一蘭雪吟魂瘦到東瀛東朝鮮國
以梅花
一龕供蘭雪詩并繡
其像見香蘇館集中若論偉詞鑄高義後起可敎前賢工
他年萬里持龍節鄭重休忘繞朝策